



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

**Name of School** : YUEN LONG MERCHANTS ASSOCIATION SECONDARY SCHOOL

**學校名稱** : 元朗商會中學

**Name of Play 劇名** : 純屬謊言

**Script writer 劇作者** : 陳力生 (校外導師)

**Synopsis 故事大綱 :**

2047 年，隨着資訊科技日新月異，「社會信用體系」已發展完善。故事講述程真高中畢業，收到兒時好友 Tiffany 邀請出席其畢業典禮派對，是為拉高個人分數、實現大學夢的好機會，開展了一連串的「純屬謊言」。



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

## 序

(音樂出，舞台上投影著數碼化的代碼，像 22 世紀殺人網絡一樣，由近到遠，慢慢我們看見不同的網頁面，淘寶、youtube、fb、ig、messenger、whatsapp、telegram、wechat、line...等等，再看到在網頁上 apps 上不斷給 like，心心，五星星、emoji，再慢慢看到不同的手機，畫面跳得越嚟越快，到最後畫面全黑，音樂由音樂加網頁給 like 的聲音到最後黑畫面時變成脈搏跳動的聲音。最後畫面上再現出〈時間就像流水般一去不返〉〈2047〉最後聲音變成一個長音，像病人死亡一樣。)



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

## 第一場 法院

（影像消失，燈光首先落在台正中央的一個女子身上，她披頭散髮跪在地上，手上帶着手鐐，燈光慢慢全台光亮，看到在女子身後有很多不同的人樣，只能看見他們的面貌，看不到身體，他們是人工智能的電腦管理員，在舞台上高處有一粒很大的星星在發光。代表著最大的權力。）

眾： 你認唔認罪？

真： （大叫）我有犯罪！

眾： 嘩！

（傳出通電的聲音，真的手鐐通電，真痛楚地叫）

真： 呀……

眾： 犯人程真，因為行為不檢，不誠實使用人工智能，擅自闖入不屬於自己分數區域，儀容破壞環境，破壞公物，拒捕……等等多達五十條控罪。

真： 儀容破壞環境？

眾： 無錯！簡單來講，即係樣衰，衣衫不整，影響市容。

真： 哈哈，我着啲咩我都唔可以自己話事咩？我鍾意呀……

（傳出通電的聲音，真的手鐐通電，真痛楚地叫）

真： 呀……

眾： 犯人如果仍然用惡劣嘅態度回答，法院會考慮加控多一條藐視法庭罪，請犯人自己考慮清楚。

真： 哈哈…唔通俾人電都要笑？

眾： 根據社會道德上指引，笑係一種有禮貌行為，得到社會認可！

真： 哈哈…痴線……

（傳出通電的聲音，真的手鐐通電，真痛楚地叫）

真： 呀……

管 1： 態度與用詞不吻合，構成虛假罪，被扣 0.3 分

管 2： 根據記錄，犯人程真個人分數已經只得 0.8 分，極有可能係反社會分子

眾： 犯人請注意，如果扣至 0 分，你會即時收監！

管 3： 根據監控記錄及受害人提供證供而對犯人程真嘅指控……



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

(在眾多管理員的其中一格出現了程真朋友 Tiffany 的容貌)

T: Jane ? 我記得佢，不過我哋唔係朋友好耐啦，我係咩身份呀？我長期保持 5 分以上，又點會同啲咁低分嘅人做朋友吖！你諗下，我既畢業典禮 party 嗰，又點會請……我一定會請一啲同我一樣分嘅好朋友同我慶祝㗎！咁係最好不過㗎！咁有多我既 fans 都想來恭喜我嘅，我網上面都有好多個心心……我明！我哋以前細個曾經有段時間好好朋友，不過已經好耐嘅事啦！佢可能見到我有咁嘅成績，佢想恭喜我啦！不過發生啲咁嘅事，我唔會怪佢㗎！如果你見到佢，同我問候佢一聲，記住要潔身自愛。

真: 係佢邀請我去㗎！我都唔想咁㗎，我只係爭少少分咋，爭少少就可以㗎喇！講大話！

眾: 既然你個人分數唔夠，受害人又點會請你去佢嘅畢業典禮 party？好明顯犯人

真: 我有……我有呀……我原本夠分㗎！最衰都係個 Uber 司機咋……佢變態㗎！

眾: 再次提醒犯人小心用詞！為社會和諧，每個人說話態度都要有禮。如果你再犯，法庭會即時扣你分，你會即時收監。

(燈 暗)